

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO-SANSKI KANTON**  
**GRAD BIHAĆ**  
**GRADSKO VIJEĆE**

Komisija za izbor i imenovanje  
Bihać, 13.03.2018.godine

Gradsko vijeće Bihać

PREDMET: Prijedlog dopunskog Rješenja o imenovanju članova Gradske izborne komisije Bihać, dostavlja se.-

Na osnovu člana 2. Odluke o objavljivanju Javnog oglasa za imenovanje članova Gradske izborne komisije Bihać („Službeni glasnik Grada Bihaća“, broj /17), člana 61. stav (2) tačka b), a u vezi sa članom 140. tačka c) Poslovnika Gradskog vijeća Bihać („Službeni glasnik Grada Bihaća“, broj 3/16), Komisija za izbor i imenovanje, Gradskom vijeću Bihać dostavlja prijedlog dopunskog Rješenja o imenovanju članova Gradske izborne komisije Bihać, na razmatranje i zauzimanje konačnog stava.

**O b r a z l o ž e n j e**

**Pravni osnov**

Pravni osnov za donošenje predloženog dopunskog Rješenja sadržan je u članu 2.12 stav (5) Izbornog zakona Bosne i Hercegovine („Službeni glasnik BiH“, broj 23/91, 7/02, 9/02, 20/02, 25/02, 4/04, 20/04, 55/04, 25/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 31/16), kojim je propisano da članove Općinske/gradske izborne komisije imenuje općinsko/gradsko vijeće, uz saglasnost Centralne izborne komisije BiH, na osnovu Javnog oglasa po proceduri koju utvrđuje Centralna izborna komisija BiH.

Pravni osnov za donošenje predloženog Rješenja sadržan je i u članu 35. tačka bb) Statuta Grada Bihaća („Službeni glasnik Grada Bihaća“, broj 13/15), kojim je utvrđena nadležnost Gradskog vijeća da imenuje, bira i razrješava druge osobe određene zakonom, Statutom i odlukama, te daje saglasnost na imenovanja, izbor i razrješavanja u skladu sa zakonom.

## Razlozi donošenja

Gradskog vijeća Bihać broj GV-05-21 od 30.01.2018.godine imenovanja je Gradska izborna komisija Bihać u sastavu:

1. Šemsudin Muslić, predsjednik
2. Damir Smajić, član
3. Mujaga Selimović, član
4. Katarina Mladić, članica
5. Damir Redžić, član
6. Melinda Hodžić, članica
7. Damir Omerdić, član.

Nakon donošenja Rješenja, Gradsko vijeće je aktom broj GV-05-21 od 07.02.2018.godine u skladu sa odredbom člana 2.12. stav (5) Izbornog zakona Bosne i Hercegovine zatražilo saglasnost Centralne izborne komisije Bosne i Hercegovine.

Centralna izborna komisija Bosne i Hercegovine je Rješenjem broj 06-1-07-1-255/17 od 22.02.2018.godine dala saglasnost na Rješenje Gradskog vijeća Bihać broj GV-05-21 od 30.01.2018.godine u dijelu kojim se na dužnost u članstvu Gradske izborne komisije Bihać imenuju Muslić Šemsudin, kao predsjednik i član i Damir Smajić, kao član.

Tačkom (2) Rješenja nije data saglasnost na Rješenje Gradskog vijeća Bihać broj GV-05-21 od 30.01.2018.godine, u dijelu kojim se na dužnost u članstvu Gradske izborne komisije Bihać imenuju:

1. Mujaga Selimović, član
2. Katarina Mladić, članica
3. Damir Redžić, član
4. Melinda Hodžić, članica
5. Damir Omerdić, član.

Kao razlog zbog kojeg nije data saglasnost na imenovanje navedeno je da nisu ispoštovane odredbe člana 2.14 stav (1) Izbornog zakona Bosne i Hercegovine u skladu sa rezultatima popisa staovništva u Bosni i Hercegovini iz 2013.godine, odnosno da se nije vodilo računa o nacionalnom izjašnjavanju imenovanih članova Gradske zborne komisije Bihać u odnosu na ukupan broj članova Gradske izborne komisije Bihać. Prema rezultatima navedenog popisa („Službeni glasnik BiH“, broj 60/16), grad Bihać ima ukupno 56.261 stanovnika i to: Bošnjaka 49.550 (88,07%), Hrvata 3.265 (5,80%), Srba 910 (1,62%), Ostalih 1.879 (3,34%), onih koji se ne izjašnjavaju 619 (1,10%) i bez odgovora 38 (0,07%).

Centralna izborna komisije Bosne i Hercegovine u Rješenju je utvrdila da je Gradsko vijeće dužno izvršiti imenovanje pet članova Gradske izborne komisije Bihać u skladu sa

članom 2.12 stav (5) i članom 2.14 stav (1) Izbornog zakona BiH („Službeni glasnik Bosne i Hercegovine“, broj 23/01, 7/02, 9/02, 20/02,25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16).

Postupajući u skladu sa uputama datim u Rješenju Centralne izborne komisije Bosne i Hercegovine, Komisija za izbor i imenovanje je dana 27.02.2018.godine i dana 12.03.2018.godine održala sjednice Komisije, te većinom glasova donijela odluku da se pet (5) nedostajućih članova Gradske izborne komisije Bihać imenuje na način da se prema predloženoj Rang listi kandidata, za člana Gradske izborne komisije Bihać, predlože kandidati prema broju osvojenih bodova, vodeći računa o članu 2.14 stav (1) Izbornog zakona BiH, a prema rezultatima popisa stanovništva iz 2013.godine.

Slijedom naprijed navedenog, Komisija za izbor i imenovanje predlaže da Gradsko vijeće u okviru svojih nadležnosti utvrđenih članom 35. tačka bb) Statuta Grada Bihaća („Službeni glasnik Grada Bihaća“, broj 13/15), donese dopunsko Rješenje o imenovanju članova Gradske izborne komisije Bihać, kako je to predloženo.

Finansijska sredstva

Sredstva za provođenje ovog Rješenja, obezbijedit će se u Budžetu Grada Bihaća.

Prilog:

- Izvještaj o provedenom postupku po Javnom oglasu za imenovanje sedam članova Gradske izborne komisije Bihać
- Prijedlog dopunskog Rješenja o imenovanju članova Gradske izborne komisije Bihać

Obrađivač akta:

Elvira Kulenović, dipl.pravnik

Predsjednik Komisije  
Ilda Alibegović

Na osnovu članan 2.12 stav (5) Izbornog zakona Bosne i Hercegovine („Službeni glasnik BiH“, broj 23/91, 7/02, 9/02, 20/02, 25/02, 4/04, 20/04, 55/04, 25/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 31/16) i člana 35. tačka bb) Statuta Grada Bihaća („Službeni glasnik Grada Bhaća“, broj 13/15), Gradsko vijeće Bihać na 20. sjednici, održanoj dana .2018.godine, donijelo je:

**DOPUNSKO RJEŠENJE**  
o imenovanju članova Gradske izborne Komisije Bihać

Član 1.

Za članove Gradske izborne komisije Bihać, pored Muslić Šemsudina i Smajić Damira, kojima je data saglasnost na imenovanje, rješenjem Centralne izborne komisije Bosne i Hercegovine broj 06-1-07-1-255/17 od 22.02.2018.godine, imenuju se:

1. Mujaga Selimović, član
2. Damir Redžić, član
3. Alma Kadić, članica
4. Ena Nuhanović, članica
5. Suvad Tutić, član.

Član 2.

Mandat članova Komisije iz člana 1. ovog Rješenja traje sedam (7) godina i počinje teći od dana stupanja na snagu ovog Rješenja.

Član 3.

Ovo Rješenje je sastavni dio Rješenja Gradskog vijeća Bihać broj GV-05-21 od 30.01.2018.godine.

Član 4.

Ovo Rješenje stupa na snagu danom davanja saglasnosti Centralne izborne Komisije Bosne i Hercegovine, a objavit će se u „Službenom glasniku Grada Bihaća“.

Gradsko vijeće  
Broj: \_\_\_\_\_/18  
Bihać, \_\_\_\_\_ 2018.godine

Predsjedavajući Gradskog vijeća  
Davor Župa